



Loftslagsstefna Bolungarvíkurkaupstaðar

Inngangur

Loftslagsbreytingar eru ein stærsta áskorun sem mannkynið stendur frammi fyrir. Afleiðingar hlýnunar jarðar hafa þegar komið fram í auknum öfgum í veðurfari, hækkandi sjávarstöðu og áföllum í vistkerfum víða um heim. Bolungarvíkurkaupstaður, líkt og önnur samfélög á Íslandi, stendur frammi fyrir áskorunum sem krefjast ábyrgra og framsýnna ákvarðana. Sveitarfélagið viðurkennir hlutverk sitt í að draga úr losun gróðurhúsalofttegunda, stuðla að sjálfbærni og skapa samfélag sem er vel í stakk búið til að takast á við loftslagsbreytingar.

Í þessari stefnu leggur Bolungarvíkurkaupstaður grunn að því hvernig loftslagsmál verða samþætt í rekstur, skipulag og ákvarðanatöku sveitarfélagsins. Stefnan er byggð á gildum sjálfbærni, samfélagsábyrgðar og samstöðu. Hún kallar á samstarf allra – íbúa, fyrirtækja, félagasamtaka og sveitarfélagsins – til að ná fram raunverulegum og mælanlegum árangri.

Markmið stefnunnar eru samhljóma skuldbindingum Íslands í loftslagsmálum og byggja á leiðbeiningum frá alþjóðlegum og innlendum sérfræðingum. Stefnan felur í sér skýrar aðgerðir og mælanleg markmið sem verða reglulega endurskoðuð og uppfærð í ljósi nýjustu vísindalegra niðurstaðna og framvindu aðgerða.

Markmið

Bolungarvíkurkaupstaður hefur sett sér eftirfarandi markmið:

- Ná kolefnishlutleysi í síðasta lagi árið 2040 með samstilltu átaki allra hlutaðeigandi aðila.
- Draga úr losun gróðurhúsalofttegunda um a.m.k. 55% fyrir árið 2030 miðað við grunnár 2005.

Markmiðin verða náð með því að samþætta loftslagsaðgerðir í daglegan rekstur sveitarfélagsins og með því að virkja íbúa og fyrirtæki til þátttöku í lausnum.

Áherslusvið og aðgerðir

2.1 Orkunotkun

Orkunotkun er einn stærsti þátturinn í losun gróðurhúsalofttegunda á Íslandi. Til að draga úr losun mun Bolungarvíkurkaupstaður:

- Nota endurnýjanlega orkugjafa í öllum opinberum byggingum sveitarfélagsins, svo sem rafmagn frá vatnsaflí og jarðvarma.
- Skipta út eldri tækjabúnaði og lýsingu fyrir orkusparandi lausnir, s.s. LED-lýsingu og sjálfvirka stýringu á hitakerfum.
- Vinna með orkufyrirtækjum að auknu aðgengi að hleðslustöðvum fyrir rafbíla.

Þessar aðgerðir munu stuðla að minni orkusóun, lægri rekstrarkostnaði og auknu sjálfbærni í orkunotkun sveitarfélagsins.

2.2 Samgöngur

Samgöngur eru stór hluti af losun gróðurhúsalofttegunda. Sveitarfélagið mun leggja áherslu á:

- Uppbyggingu hjólastíga og gönguleiða til að hvetja íbúa til að nota vistvæna ferðamáta.
- Styðja við orkuskipti með því að bæta aðgengi að rafbílum, rafhjólum og öðrum vistvænum samgöngulausnum.
- Innleiða vistvæna samgöngusamninga fyrir starfsfólk sveitarfélagsins, þar sem hvatt er til notkunar á almenningssamgöngum og samnýtingu farartækja.

Sveitarfélagið mun einnig nýta tækifæri til samstarfs við nærliggjandi sveitarfélög um vistvænni samgöngur.

2.3 Úrgangsmál

Aukin flokkun og endurvinnsla eru lykilatriði í því að draga úr úrgangi sem fer til urðunar. Bolungarvíkurkaupstaður mun:

- Efla fræðslu til íbúa og fyrirtækja um mikilvægi flokkunar og endurvinnslu.
- Styðja við nýsköpun í meðhöndlun úrgangs, t.d. lífræna úrgangsnotkun til jarðgerðar eða metanframleiðslu.
- Taka þátt í landsátaki til að draga úr plastnotkun og stuðla að notkun vistvænna umbúða.

2.4 Náttúruvernd og kolefnisbinding

Aðgerðir sem stuðla að náttúruvernd og kolefnisbindingu munu styrkja vistkerfi sveitarfélagsins og draga úr loftslagsáhrifum. Sveitarfélagið mun:

- Auka skógrækt á svæðum sem henta til bindingar kolefnis.
- Styðja við endurheimt votlendis þar sem slíkt er framkvæmanlegt og samræmist landnýtingu.
- Vinna með landeigendum að kolefnisjöfnun og vernd vistkerfa sem hafa hátt kolefnisbindigildi.

2.5 Menntun og vitundarvakning

Með fræðslu og þátttöku íbúa verður mögulegt að skapa breiðari samstöðu um loftslagsmál. Sveitarfélagið mun:

- Halda fræðslufundi og vinnustofur fyrir íbúa um áhrif loftslagsbreytinga og leiðir til að draga úr eigin losun.
- Innleiða loftslagsfræðslu í skólum með áherslu á sjálfbærni, náttúruvernd og nýsköpun.
- Stuðla að vitundarvakningu með fjölmiðla- og samfélagsmiðlaátaki sem eykur skilning á loftslagsmálum og mikilvægi samstilltra aðgerða.

Eftirfylgni og mælingar

- Sveitarfélagið mun árlega reikna losun gróðurhúsalofttegunda og birta niðurstöður í opnum ársskýrslum.
- Árangur stefnu og aðgerða verður metinn reglulega og stefnan uppfærð á þriggja ára fresti.

Bolungarvík 4.mars 2025.